

J.U. SLUŽBA ZA ZAPOŠLJAVANJE
B P K GORAŽDE



BOSNIA AND HERZEGOVINA
FEDERATION OF BOSNIA AND
HERZEGOVINA
EMPLOYMENT SERVICE OF BPC
GORAŽDE

UDRUŽENJE POSLODAVACA BPK
G O R A Ž D E

SPORAZUM O SARADNJI
SLUŽBE ZA ZAPOŠLJAVANJE BPK GORAŽDE
I
UDRUŽENJA POSLODAVACA BPK
G O R A Ž D E

Goražde, sepembar/rujan 2010. godine

Radi poboljšanja efikasnosti funkcionisanja tržišta rada, kvalitetnog praćenja kretanja u oblasti zapošljavanja, te unapređenja, jačanja i promocije razvojnih projekata zapošljavanja i funkcije posredovanja u zapošljavanju, uz osiguravanje visokih standarda u pružanju usluga korisnicima

Služba za zapošljavanje BPK Goražde
i
Udruženje poslodavaca BPK Goražde

sporazumjeli su se o sljedećem:

Član 1
(Predmet Sporazuma)

Predmet ovog sporazuma je unapređenje saradnje između J.U. Službe za zapošljavanje BPK, kao predstavnika Javne službe za zapošljavanje, i Udruženja poslodavaca BPK Goražde, kao predstavnika poslodavaca.

Član 2
(Obaveze javnih službi za zapošljavanje)

Služba za zapošljavanje će poslodavcima, kao korisnicima usluga i partnerima na tržištu rada, obezbijediti informacije o stručnoj spremi, zanimanjima, posebnim znanjima i vještinama nezaposlenih osoba, kao i druge informacije značajne za poslodavce, a posebno će besplatno osigurati: ponudu radne snage; posredovanje u zapošljavanju; stručnu i finansijsku pomoć pri zapošljavanju posebnih kategorija nezaposlenih osoba, kroz programe zapošljavanja; korištenje usluga u profesionalnoj selekciji kandidata i oglašavanje radnih mjesta.

Član 3
(Ponuda radne snage i posredovanje u zapošljavanju)

Služba za zapošljavanje, u sklopu svojih zakonskih nadležnosti, prikuplja podatke o nezaposlenim osobama i ima najveću kadrovsku evidenciju, te poslodavcima kao korisnicima usluga pruža besplatnu uslugu posredovanja u zapošljavanju.

U skladu s raspoloživim potencijalima, Služba za zapošljavanje će za potrebe poslodavaca organizovati selekciju kandidata za oglašeno radno mjesto.

Prilikom posredovanja, kantonalna služba za zapošljavanje će poslodavcu predložiti nezaposlene osobe sa potrebnim/traženim kvalifikacijama, uz uputnicu za posredovanje, koju ovlaštena osoba poslodavca treba potpisati i ovjeriti kao dokaz da se nezaposlena osoba prijavila poslodavcu radi zaposlenja.

Pružanjem usluga posredovanja i upućivanjem odgovarajućeg kadra za slobodna radna mjesta, uspostaviti će se partnerski odnosi koji će doprinijeti povećanju zaposlenosti.

Član 4
(Programi zapošljavanja)

Služba za zapošljavanje će obavještavati Udruženje poslodavaca BPK Goražde o projektnim aktivnostima i mjerama aktivne politike zapošljavanja određenih kategorija nezaposlenih osoba, radi njihovog transparentnog i efektivnog provođenja.

Udruženju poslodavaca BPK Goražde dostavljat će se javni pozivi za učešće u projektima zapošljavanja koje Služba za zapošljavanje provodi samostalno ili putem Federalnog zavoda za zapošljavanje, a sve radi bolje informisanosti poslodavaca.

Član 5

(Oglašavanje radnih mjesta)

Radi informisanja nezaposlenih osoba o slobodnim radnim mjestima u Bosansko-podrinjskom kantonu Goražde, Služba za zapošljavanje će oglašavanje dobijene od poslodavca, članova Udruženja poslodavaca BPK Goražde, objavljivati na svojoj internet stranici www.szzbpbk.ba i oglasnoj ploči Službe za zapošljavanje radi posredovanja u zapošljavanju.

Član 6

(Rad sa poslodavcima)

Služba za zapošljavanje će u skladu s projektnim aktivnostima i finansijskim mogućnostima pokrenuti uvođenje šaltera isključivo za pružanje usluga poslodavcima. Poslodavcima će u tome biti na raspolaganju stručni, po savremenim principima obučeni, kadar javnih službi za zapošljavanje.

Član 7

(Obaveze Udruženja poslodavaca BPK Goražde)

Udruženje poslodavaca BPK Goražde će obezbijediti da poslodavci - članovi Udruženja poslodavaca BPK Goražde dostavljaju Službi za zapošljavanje oglašavanje/konkurse o slobodnim radnim mjestima.

Radi kvalitetnijeg praćenja kretanja na tržištu rada, Udruženje poslodavaca BPK Goražde će obezbijediti da poslodavci - članovi Udruženja poslodavaca BPK Goražde dostavljaju Službi za zapošljavanje podatke o zaposlenju nezaposlenih osoba.

Član 8

(Zajedničke aktivnosti)

Služba za zapošljavanje i Udruženje poslodavaca BPK Goražde će zajednički učestvovati u aktivnostima suzbijanja rada na crno i insistirati na zakonitosti zapošljavanja, plaćanju obaveznih poreza i doprinosa za zaposlenike i borbi protiv nelojalne konkurencije, koja dovodi do neravnopravnosti na tržištu.

Služba za zapošljavanje i Udruženje poslodavaca BPK Goražde će, kada postoji obostrani interes, učestvovati u organizovanju sajмова za zapošljavanje, seminara, okruglih stolova i konferencija koje se odnose na tržište rada, kao i prilikom provođenja istraživanja tržišta rada.

Saradnja će se odvijati i u zajedničkom nastupu prema ministarstvu nauke i obrazovanja kod pripreme upisne politike, a radi usklađivanja obrazovnih programa sa kadrovskim potrebama poslodavaca.

Član 9
(Stupanje na snagu)

Sporazum o saradnji stupa na snagu nakon što ga potpišu ovlašteni predstavnici Službe za zapošljavanje BPK Goražde i Udruženja poslodavaca BPK Goražde.

**ZA SLUŽBU ZA ZAPOSŁJAVANJE
BPK GORAŽDE**

**ZA UDRUŽENJE POSLODAVACA
BPK GORAŽDE**


Nafija Hodžić


Munevera Ušanović

Broj: 01/1-34-188/10

Broj: 75/10

U Goraždu, 23.09.2010. godine.